

Azul merṛa fell-awen, imdukal timdukal uṛaley-d ƣer ƣurwen di Tedwilt Awal n Tudert iwakken ad nkemlet ameslay-nney dima di Tektabt n nabi Iceaya nekkfa-d ixef setta tieklt ieddad ass-agi ad d-nebdut deg ixef sebɛa si tseddart tamezwarut.

Nnbi Iceaya yesɛa akka yiwen n leqdic asmi i yedder řebɛa n tgeldiwin akked rebɛa n igelliden, yella ugellid Ƣuzya, Yutam, Aḥaz akked Ḥiziqya, amezwaru Ƣuzya yella d agellid yelhan am baba-s am mmi-s dayen-nni Yutam, d acu kan yeffey-asen-d yiwen d uewij wagi d wis tlata win iwumi qqaren Aḥaz wagi d mmi-s n mmi-s Ƣuzya.

Netta yeffey-d d win ur ncubi la ƣer baba-s la ƣer jeddi-s la ƣer gma-s la ƣer ḥedd nniḍen yxřar mađi, yella Ḥiziqya netta d agellid wis rebɛa d mmi-s n Aḥaz wagi yellan d agellid ur nelhi ara, yerna-d yiwen deffir-nsen wagi isem-is Manasi d mmi-s n Ḥiziqya d mmi-s n mmi-s n ugellid ur nelhi Aḥaz netta yeffey-d d win ixerren mađi deg-sen.

mmi-s icuba baba-s akka i yella di lemtel deg ařas n tikal neqqar akkagi mmi-s icuba baba-s yella di lemtel lameena dagi nettaf-d tikwal mmi-s ixulef mađi baba-s yewwi abrid nniḍen mačči d abrid n baba-s i yewwi.

Ad d-bduy tura si tseddart tamezwarut deg ixef wis sebɛa « di lwaqt n Aḥaz mmi-s n Yutam, mmi-s n Ƣuzya agellid n Yahuda, řasin agellid n Aram iruḥ akked ugellid Fiqaḥ mmi-s n Ramalya agellid n Isřayil agellid n Yirucalim iwakken ad nayan yid-s lameena ur nuyen ara.

Yewweđ lexbar axxam n Dawed nnan-asen At Aram sbedden iquḍunen-nsen di Isřayil, ul n ugellid Aḥaz akked wul n ugellid-is nhezzen akken yetthuzzu wađu tťjur n teźgi, Ameylal yenna-d i Iceaya ruḥ ƣer Aḥaz kečč d mmi-s n Cayar Yeequb ad tafed ƣer terga n temda ufella tin d-yezgan ƣef ubrid yettawin ƣer lexla n Usebbay.

Ini-as zwar henni iman-ik ur ttagad ara ƣur-k ad k-yeffey leeqel zdat n sin ihina n isufar yeduxunen ƣef demma n wurrif n řasin Armi akked mmi-s n Ramalya ».

Sidi řebbi yemmeslay-d i ugellid s nnbi-ines i iceggæ, iceggæ nnbi Iceaya yenna ruḥ ini-as i ugellid ad yethenni, ur yettegad ara ad yekkes lxuf ƣas iberraniyen-agi, ƣas igelliden-agi, iedawen-agi ruḥen-d byan ad t-ḍurren byan ad t-ḍelmen, byan ad as-xedmen kra, ini-as zwar henni iman-ik, ur ttagad ara ƣur-k ad k-yeffey leeqel.

Yelha mi ara yili yemmeslay-d Sidi řebbi, mi ara yili yenna-ak-d, yenna-am-d ḥadar iman-im ḥadar iman-ik, ur ttagad ara atan ad d-yili wayen ara d-yilin lameena nekk ad iliy yid-wen nekkeni ad awen-neffkey talwit-iw thennit ur ttagadet ara.

D ayen icebḥen s wařas imi Sidi řebbi ƣas d amdan dirit lameena yettbaddad-d dima ƣer ƣur-s netta d aḥnin d win yelhan d win yebyan ḥala lxiř i yemdanen s umata.

Ikemmel yenna si tseddart xemsa « Aram iqsed-d ak-yessengar netta akked Ifrayim akked mmi-s n Ramalya nnan : yaw ad nzedmed ƣer Yahuda ad d-nesseyli fell-as rrehba ad t-nettef as-nesbed mmi-s n řubal d agellid, lameena atan d acu d-yenna Yillu Ameylal :ayagi ur d-yettili, ur d-yiđaru d lebyi-s kan ara yeđrun ».

Sidi Rebbi ixebbar-d nnbi Iceaya yenna-as ini-as ugellid atan wayen byan ad xedmen igelliden-agi wagi d lebyi-nsen byan ad seylin tamurt byan ad sbedden agellid amaynut ad ksen agellid aqdim, mačči akka ara teđru.

Ur d-iđerru waya ur teyelli temdint ur yettwexdam rray-nsen mačči d lebyi-nsen ara yeđrun lameena d lebyi n Sidi Rebbi, Sidi Rebbi ur yeqbil ara anect-a, Sidi Rebbi ad iħareb yef temdint n Yahuda ad iēas fell-as ur tt-yettaɣ kra d lebyi-s kan ara yeđrun.

Ikemmel si tseddart tmanya «axaṭer Dimacq d tamannayt n Aram, Rašin d aqerru n Dimacq ger-aɣ d xemsa usettin n iseggasen agdud n Ifrayim ad yettwamħaq, ad yemħu latar-is, Samariya d tamannayt n Ifrayim mmi-s n Ramalya d aqerru n Samareya, ma ur tuminem ara ur d-ttyimim ara ».

Yenna ma ur tuminem ara ur d-yettyima yiwen deg-wen ad d-yeqqim, win yettifen di Sidi Rebbi add-yeqqim, win yettifen deg Umeylal deg Ugellid n Tudert deg ugellid n igelliden atan ad yidir ma yella d win ur neṭṭif ara degs yezuar ad d-yeɣli ad yeɣli ur d-yettyima deg-s kra.

Sidi Rebbi akka i d-ixebbar agellid n Yahuda iwakken ad yettēf ur yettagad ara yenna-as-d zwar ur ilaq ara ad k-yeffey leeqel tkel yef Sidi Rebbi ur ttagad ara, d ayen yelhan, d ayen icebħen imi d agi nezmar ad nefhem belli Sidi Rebbi yezmar ad yili yid-nney ula d nukni akken tebyu tili teswiet tewear Sidi Rebbi atan yid-wen.

Ad d-kemley si tseddart eēra « Ameylal iheder-d dayen i Aħaz yenna-as : Suter-d i yiman-ik limara i Umeylal Illu-ik ama ddaw n tmurt ama usawen deg igenwan, Aħaz yenna ur suturey acemma ur ttjarribey ara Ameylal ».

Walit kan imeslayen-agi d imeslayen nessen imi neyra-ten-id yakan di Linḡil n Lmasiħ anda Lmasiħ s timmad-is yenna ur tettjerrib ara Sidi Rebbi Ssid-inek, dagi mi akken-nni i yella di lxali ney deg unezruf, Ciṭan yebya ad t-ijerrab yenna-as ur tettjerrib ara Sidi Rebbi-inek.

Sidi Rebbi d win yeqqaren tidet d bu-tidet d bab n tidet yenna-d awal ad yeđru dagi agellid Aħaz d acu i yexdem d ayen yelhan, d ayen ifazen s waṭas imi Sidi Rebbi yenna suter-d limara belli atan s tidet ad iliy yid-k, belli atan ad ħerbey fell-ak, ur k-yettaɣ kra ur ttagad ara, netta yenna-as ur ħwaḡey ara.

Ur uħwaḡey ara axaṭer ur ilaq ara ad jerbey Sidi Rebbi akka i yenna d ayen icebħen s waṭas imi ul-is yettkel yef Sidi Rebbi yenna ur suturey acemma ur byiy ara ad jerbey Ameylal.

Yelha lettkal yef Sidi Rebbi bab n tudert imi d netta id Babat-nney d netta i d Agellid-nney amuqqrان-nney, ad neṭṭfet deg-s, yenna dayen-nni deg Awal-is win ur numi ara, win ur neṭṭif ara, win ur neqqim ara ur ndum ara deg-i atan iwexxer fell-i atan iruħ inuda leslak anda nniđen, ur t-yettaf ara.

Ilaq ad nħarzet yakk imeslayen-agi deg ulawen-nney, imi Sidi Rēbbi d netta kan id ay-yebyan lxir, nukni ur nbeqqu ara lxir i yiman-nney nettnadi kan yef ayen ur nelhi, nħturru iman-nney nxeddem atas n wayen ur nelhi wala n wayen yelhan.

Ilaq ihi ad neldit allen-nney ad nwalit ad neldit imezzay-nney iwakken ad nsell d acu i yebya Sidi Rēbbi ad ay-t-id-yini, ad neddu s ħaēa d wannuz, ad neddu s tiyin n wawal ad nidir s wawal-is imi Awal-is d Awal n Tudert.

Ilaq ad nħar belli Sidi Rēbbi d Bab n lħaq d win ifehmen ħħaef n wemdan, d win ifehmen amdan yezra belli amdan ixuṣ yeččur d ccek, amdan yebya ad iwali aktar, d tidet Sidi Rēbbi yessen anect-agi deg umdan yef anect-a i d-neqqar belli ur tezmiređ ara ad tamneđ kan akka mebla ma yella yeččur wul-ik ney yennul-d ul-ik.

Sidi Rēbbi yennul-d ul-ik dya dinna atan ad tamneđ, ħħulfađ tezriđ twalađ tesliđ belli Sidi Rēbbi ur d-yenni ara qmec kan tiħ-ik tetebeēđ mebla ma tezriđ anda tettedduđ, xaħi ilaq ad teħsuđ ilaq ad teldiđ allen-ik ad telħuđ ad twalipd tezriđ tēeqlet, netta iēeqqel-ik-id iwala-k-id yezra-k-id yessewel-ak-d tesliđ-as, teldiđ-as ul-ik, teldiđ allen-ik twala-t tessliđ i ṣħut-is twalađ udem-is dya din mi ħwalađ ad telħuđ ad truħeđ yer yur-s.

Mektit-d asmi akken-nni Buħrus yella akked yemdukal-is yef teflukt yessawel-as-d Lmasiħ deg id mi yelħa sufella n waman akkagi s idarren-is iwla-t akka Buħrus iwala kan lexyal ur t-yeēqil ara, yenna-as ma yella d kečč a Sidi yenna-as rwaħ atan d nekk.

Buħrus mi ireṣša allen-is yef Lmasiħ yelħa yef aman ula d netta iruħ iteddu qbala qbala, yur-s dya mi d-yekkes allen-is fell-as yekkes-d allen-is yef Lmasiħ imuqul yer wayen id as-d-yezziin yer lebħar i yef i ileħħu yef aman dya dinna tkecem-it tugdi, d acu id as-yedran yebda izeddar, yebda ikeččem deg aman ad yeyraq ad yemmet dayen, Lmasiħ dya igar-d afus-is yekkes-it-id isellek-it-id ur yemmut ara.

Atan amek tđerru yid-nney nukni dayen ass-agi mi ara yili nettcukku-t, mi ara yili nettmuqul yer wayen id ay-d-yezziin d wayen akk iweeren i nettqabal di ddunit-agi ntettu udem n Sidi Rēbbi ntettu Lmasiħ id ay-yettaħfafen afus i izemren ad ay-yawi ad ay-yeldi tiwwura ad ay-d-yeffk tifat i kra n weybel yellan atan dinna nettruħu nyarraq di ddunit-agi ur d-yettyama deg-nney kra, ulac la asirem la lferħ la lbenna n tudert ur d-yeqqim kra deg-nney.

Ihi, d acu id ay-d-yeqqimen ad t-nexdem, ilaq-ay ad neğğ kan allen-nney ressan-t yef udem-is netta, ad ten-ttwali kan netta ur ten-ttekkes ara allen-nney fell-as, ad nettkel fell-as fus-nney ad yentteđ deg-s ad yeckunteđ axaħer akka ara nessufay.

Ma yella nwexxar-d fell-as nruħ nwehha tamuyl-nney anda nniđen atan dinna nezra yer wanda ara neffay, Sidi Rēbbi yebya-ay lxir yebya-ay ad neddu yid-s imi netta yezwar yessen abrid-is yessen-it d abrid-is netta, nukni ad netbaē kan deffir.

Yef anect-a i yettusemma Lmasiħ ameksa lēali, netta ad yezwir ulli-ines ad ddunt deffir ulac lexšara ma yella kra n leetab d netta it-iqublen d netta i yezwaren yenēettab d amezwaru yef mkul yiwen deg-nney yef umidag ibeggen-d leħmala-ines, ibeggen-d kullci, yexdem kullci i umdan iwakken ad yidir.

Anwa deg-nney nukni i izemren ad yeneṭtab yef wayen ur yexdim ad ixelleṣ ayen ur yečči ney ad ikeččem yer lḥebs yef umdakel-is, d amdakel-is i ixedmen netta ad ixelleṣ, anwa deg-nney ara ixedmen akka.

Lmasih ihi yexdem aktar n waya yemmut deg umkan-nney, walit kan d acu imi netta d amuqran imuqranen yeyleb lmut yekker-d si ger lmeyytin yeḥya-d iwakken ad aḡ-d-yeskar ula d nukni yid-s axaṭer ayagi d tbut.

Ayagi d tbut id aḡ-d-yettbegginen belli nteddu deffir n win yeddren netbae win yedren nedda d win iteddun mazal-it yeddar ad neddu yid-s ad t-netbae alama d tagara axaṭer yaṣ amdan yesea tagara, netta ur yesei ara tagara.

Tagara ur telli ara i babn tudert, tudert n lebda tudert n dima, yebya ad tid-yeffk i mkul yiwen, yebya ad tid-yefraq yid-nney d netta kan itt-yesean ur tt-yesei ḥedd nniḍen, ma yella netbae ḥedd nniḍen amek ara aḡ-d-yeffk ayen ur yesei ara, amek ara aḡ-d-yeffk ayen ur yufi ara i netta i leamer-is netta s timmad-is yuḥwaḡ ad yidir, yuḥwaḡ leslak amek ara aḡ-isellek nunki ass-agi.

mimi-s n wergaz akked d tmeṭṭut ur yezmir ara ad isellek wiyad, amek ara d-yaṣ kan akka yiwen ad k-yini nekkeni ifey wagi ney ifey wihin, nekkeni d win yextar Rebbi lefayel-is d acu d-ttbeginen yer wanect-a ara ad nmuqul ttejra tettwaeqal s lfakeya-ines ad nwali amek.

Ilaq nukni ad nesteqsi ilaq ad nebḥet, ilaq ad nenadi ilaq ad nzar ad neffk iseteqsiyen ad nini ma yella dya s tidet yusa-d syur Sidi Rebbi ney ala ḥsut dakken-nni Lmasih yemmeslay-d yef lenbeya n lekdeb ara d-yaṣen iwakken ad yurren ad xedeen am uccanen, yenna ad d-asen am ulli lameena yer wulawen-nsen daxel-nsen d uccanen usan-d kan iwakken ad kren ad ččen ad gezren ad kelliḥen ad yurren d anect-a izemren ad xedmen ur zmiren ara ad xedmen ayen nniḍen.

Tḥadaret iman-nwen ihi, tezram belli s tidet yeqwa usexreb d usexleḍ di ddunit-agi aya aybel-is d amdan, d amdan ur nessin abrid ara yawi iexllaq-d s timmad-is abrid i deg ara ieeddi.

Nezra kka belli amdan yesea tilisa, amdan ur yezmir ara ad yefhem kullci, amdan yettwarrez, yettwarez yurez-it ddnub s lqid iṣeḥan, lqid-agi ḥala win id as-izemren ad t-yekkes, Lmasih ibeggen-d belli s tidet yezmar i waya, mi yuli yer umidag yeqbel ad yettwaṭṭef yeḡḡa iman-is ttfent, s wacu anelmad-is it-yezzenz, izenz-it s slam isekken-asant s slam i isellem fell-as yenna win i yef ara sellmey d netta.

D netta ara tetṭfem netta dya waḥeds i yeqbel ad yeddu ad yali yer umidag iwakken ad yettunefk d asfel axaṭer lwaqt-is yewweḍ-d axaṭer ilaq ad yemmet iwakken nukni ad nidir, d wa id lebyi n Sidi Rebbi ilaq ad yeḍru iwakken ad yidir kra n win ara t-iqeblen, kra n win yumnen yis ad yeseu leslak n terwiḥt-is.

Akka i yebya Sidi Rebbi akka i d-yeffka leslak i umdan i iḥemmel nenna-d leḥmala d-yeffka Sidi Rebbi leslak beṭel mebla ma neffka lwaedi mebla ma yella nuzzel nerza iqerray-nney mebla ma yella nenneṭtab iwakken ad d-nerbaḥ laxert-nney ayagi ur yetteiddi ara.

D lebyi i Sidi Rēbbi s leḥmala-ines iwakken ad d-yeffk leslak i umdan amednub, yeffka-d anect-a yexdem anect-a, mačči axaṭer amdan d lealit ney yuklal-it lameena d netta xir d netta i yelhan d netta iwumi muqqr ccan d netta iwumi muqqr leḥmala wessie wul-is isemmaeḥ-ay ddnubat-nney ad t-neḥmed ad t-ncekkar, nniy-d as-nessali di ccan-ines d netta id bab n ccan mačči d iman-nney.

S wakka ara d-nekfu tadwilt-nney i wass-agi imi lwaqt yekfa ad d-nuyal yur-wen di tedwit id-iteddun imi awal n tudert dima ad d-ttuyal yur-wen akka lawana, nukni nferrah mi ara yili tettyimam-d yid-nney tesmaḥsisem-d i wawal n tudert, Awal n Tudert d Awal n Sidin Rēbbi.

Mačči kan d tadwilt dayen mi tekfa yekfa wawal xaṭi ! lameena kunwi dayen-nni tzemrem ad dmem Taktabt Iqedsen ad t-teldim ad t-sutrem i Sidi Rēbbi iwakken ad awen-d-yessefhem awal-is iwakken ad t-teyrem ad tidirem yis.

Arut-ay-d siwlet-ay-d, seqsit-ay-d nenna-d win yesteqsayen win yebyan ad yefhem dima ifahem win yettnadin yettaf, wigi d imeslayen i d-yenna Lmasiḥ dayen-nni ilaq ihi ad ten-nddem ad nettidir yis-sen ass-agi.

Akka ihi ad ken-ḡḡey i wass-a ssaramey ad d-nemlil tikelt nniḍen di lehna d lxir, qimet di talwit n ugellid ameqqran.